

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-20370/25
Sarajevo, 12.9.2025. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda ponuđača „Orman“ d.o.o. Kiseljak sa ponuđenom cijenom za ugovor u iznosu od 87.832,32 KM bez PDV-a, odnosno 102.763,81 KM sa PDV-om u predmetu pregovaračkog postupka bez objave obavještenja o nabavci - „Izvođenje nepredviđenih i dodatnih radova na zaštiti pješačkih zona (trgovi, bulevari, šetališta) rješavanje saobraćaja u mirovanju Alipašino polje – B faza, po osnovnom Ugovoru 2 broj 02/12-19-20193/24 od 24.3.2025. godine“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove je aktom br. 02/08-19-24357/24 RMI od 30.7.2025. godine podnijela zahtjev za pokretanje procedure pregovaračkog postupka za izvođenje nepredviđenih i dodatnih radova na zaštiti pješačkih zona (trgovi, bulevari, šetališta) rješavanje saobraćaja u mirovanju Alipašino polje – B faza, po osnovnom Ugovoru 2 broj 02/12-19-20193/24 od 24.3.2025. godine, a shodno aktu stručno-tehničkog nadzora „Encos“ d.o.o. Sarajevo od 14.7.2025. godine u kojem konstatuje da se tokom realizacije predmetnog ugovora ukazala potreba za izvođenjem opravdanih nepredviđenih i dodatnih radova koji su neodvojivo vezani za uspješnu realizaciju ugovora u tehničkom smislu da bi cjelina koja je predmet ugovora bila funkcionalna i da bi se obezbijedila sigurnost kretanja pješaka, jer je tokom obilaska radova po zahtjevu Savjeta mjesnih zajednica zaključeno da postoji mnogo oštećenja postojećeg popločanja koji su izazvani višestrukim intervencijama na vodovodnoj i kanizacionoj mreži, zimskim čišćenjem i frekvencijom saobraćaja unutar samih trgova.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-20370/25 od 27.8.2025. godine – „Izvođenje nepredviđenih i dodatnih radova na zaštiti pješačkih zona (trgovi, bulevari, šetališta) rješavanje saobraćaja u mirovanju Alipašino polje – B faza, po osnovnom Ugovoru 2 broj 02/12-19-20193/24 od 24.3.2025. godine“- pregovarački postupak bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-20370/25 od 29.8.2025. godine ponuđaču „Orman“ d.o.o. Kiseljak.

Zapisnikom o otvaranju ponuda od 04.9.2025. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Orman“ d.o.o. Kiseljak.

Komisija je izvršila analizu dostavljene inicijalne ponude i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja stručna tehnička lica Komisije su pregovarala sa predstavnikom ponuđača o mogućnosti smanjenja cijene ponude, te je Komisija pozvala ponuđača na mogućnost davanja popusta na ponudu, a ponuđač je naveo da su cijene tržišne i u skladu sa osnovnim ugovorom.

Ponuđač je u ostavljenom roku putem protokola dana 04.9.2025. godine dostavio konačnu ponudu br. 313-1/25 sa ponuđenom cijenom za ugovor u iznosu od 87.832,32 KM bez PDV-a, odnosno 102.763,81 KM sa PDV-om. Komisija je izvršila računsku kontrolu ponude i konstatovala da nije bilo računске greške. Nadalje, stručna tehnička lica Komisije su izvršila uvid u osnovni ugovor zaključen sa ponuđačem, te ugovore koji za predmet imaju slične radove, kao i mišljenje stručno tehničkog nadzora, te su stručna tehnička lica Komisije mišljenjem broj 02/12-19-20370/25 od 11.9.2025. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama, te je data preporuka za prihvatanje ponude i zaključenje ugovora.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije



DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Senir Efendić